

1730  
78.  
**MEDICAE FACVLTATIS DECANI  
HERMANNI FRIDERICI  
TEICHMEYERI**

PHILOSOPHIAE ET MEDICINAE DOCTORIS, ANATOMIAE, CHIRVR-  
GIAE AC BOTANICES PROFESSORIS PVBLICI ORDINARI  
SERENISSIMI DVCIS SAXO-ISENACENSIS CONSILIARII  
ET REG. SOC. SCIENT. BORVSS. SOCII

**PROGRAMMA INVITATORIVM  
DE  
MEDICO BENE  
VALENTE  
DISSERTATIONI INAVGVRALI  
DE  
PODAGRA**

*DIE X. DECEMBR. M DCC XXIX.*

HABENDAE  
PRAEMISSVM

---

IENAE, DOMINICA II. ADVENTVS  
M DCC XXIX.

---

LITTERIS MULLERIANIS.

Chirurg.  
108,30





**E**t si quidem, iudice PATINO, vitam nullus acciperet, si daretur scientibus, cum ad eam cui pacet ingressus, pateat simul ad miserias aditus, ubi infiniti morbi, vel silentes, sive latentes, insidias struunt, vel, ut manifesti, aperto marte gravantur & saeviunt. Nihilo secius tamen omnes viventes vitae longævæ amore ducuntur, neque quidquam vitam hanc ærumnosam, semel acceptam, nisi Invita natura deserit. Vita enim hominibus nil carius, nil pulchrius, nil præstantius, imo vitae huius tanta penes eos dignitas est & æstimatio, ut reliqua mundana bona omnia præ illa fordeant, imo prorsus nullius usus esse censeantur. Sapientissimus conditor certe hominem non ad mortem, sed vitam perpetuam condidit, usumque arboris vitae ipsi in paradyso concessit, procul dubio, ut ita ætatum alternationes, virium decrementa, languores, mortemque ipsam averteret, quod beneficium in posteros etiam transiisset, nisi Adamus, ob lapsum, quem vocant Theologi, & legis divinæ prævaricationem, medicinam hanc immortalitatis turpiter amisisset. Mors ergo non a Deo, sed ex legis transgressione advenit. Potius idem omnipotens creator ideo corporis

poris nostri harmoniam non solum tam elegantem & admirandam, imo omnibus numeris absolutam esse voluit, & substantiam illam spiritualem nobis inspiravit, eamque intime cum corpore univit, ac de cætero divina manu largissime in hominem omnia contulit, quæ tota rerum universitas sinu suo complectitur. Insuper tantum quoque amorem animæ erga corpus suum indidit creator sapientissimus, ut licet anima tota sua natura a corporis essentia distincta sit, & nobis ignoto vinculo eidem cohæreat, tamen cum eodem omnis generis torturas & saevissimos cruciatus diutissime patienterque perferat, & nisi machina corporea penitus destruxta, ab eodem non secedat. Quid igitur mirum? quod huius quoque intuitu adhuc omnes omnino homines longævitatis amore ducantur, quo placide fruamur eo, quod tot sudoribus fuit acquisitum. Et licet cum comesto a protoplastis malo, malum quoque omne ab iis fuerit deglutitum, ita, ut proh dolor! fragilitas iam nobis connata sit, & mors omnibus hereditaria, tamen ineffabilis Dei misericordia, medicinæ, quam ex terra procreavit, nondum vires insitas maledictione sua penitus subduxit, quin adhuc supersint quædam, quibus per innumeras morborum procellas hec illucve agitata corporis machinam aliquamdiu inconcussam conservare possit homo, & in melius reparare. Opprobrio ergo effet hominibus, media, quibus ad vitam conservandam necessario indigent, cognita non habere, & multo minus Medicis, qui aliorum sanitatem curant, vitio vertendum, si de vitæ prorogatione, & propriæ sanitatis integritate, constanter sint solliciti. Ita se ipsos curant. Hanc sanitatis propriæ curam Medicis commendavit sapientissimus HIPPOCRATES, in principio libri, quem de *Medico* conscripsit, ubi inquit: . Oportet Medicum sui ipsius curam gerere, ut bene coloratus sit, & bona ac carnosæ corporis habitudine præditus, iuxta naturam, in eo existentem. Et statim rationem addit sui consilii: *Vulgus*, inquit, existimat eos, qui non sic bene corpus dispositum habent, neque aliis bene posse prospicere. Veruntamen non vulgus tantum, sed & prudentissimi homines in exemplo Medicorum discere possunt, quomodo per dixeræ convenientes regulas, per me-  
dica-

dicamentorum selectissimorum applicationem sanitas inconcussa sit conservanda, & placida vita proroganda. Vir sapiens quando Medico suam vitam & sanitatem concredere vult, sibi eligit Medicum eruditum, expertum, conscientiosum, affabilem, &, secundum Hippocratem, sanum, robustum, & bene coloratum, qui in consiliis dandis & exequendis promptus esse potest. Reiicit contra inexpertum, morosum, ægrotantem, tuiscentem, baculisque incidentem, qui in actionibus suis lente & somnolenter procedit. Sunt quidem, qui putant, Medicum valetudinarium aptiorem esse ad faciendam medicinam, quam alterum, inculpata valetudine degentem. Hoc argumentum demonstrandum in se sumvit Illustris RAMMAZZINI, in Patavina academia Professor primarius \*, & fundamenti loco posuit sententiam PLATONIS \*\*, qui Medicum præstans-tissimum evadere scripsit, si ab ineunte ætate, præter discenda artis studium, apud plurimos, corpore male affectos, consuetudinem habuisset, ipseque omni morborum genere laboraret. Si hoc dictum Platonis in duo capita dispescimus, prioris utilitatem concedimus, posterioris vero necessitatem merito in dubium vocamus. Quis enim vel iuniorum, vel seniorum Medicorum desiderat eiusmodi omnibus numeris absolutam experientiam? Quis ad addiscendam morborum historiam sibi exoptat caput, tinea affectum; oculos, rubedine lippientes; aures susurrantes; nasum, ozœna exesum; dentes, carie corrosos; pulmones, phthisi affectos; halitum oris fœtentem; cor, polypis obsessum; ventriculum, cruditatibus repletum; intestina, colica afflita; hepar obstructum; renes atque vesicam, calculis repletam; anum, fistulis perforatum; genitalia, a lue venerea putrida; pedes, ob podagram claudicantes; digitos, a chiragra incurvatos; faciem, vel colore flavo icterico, vel plumbeo cacheoticо defœdatam, vel varis, gutta rosacea, aliisque ulceribus conspurcatam, & emplastris undique testam? Hæc enim experientia

30

entia

\* In Oratione tertia, Operibus suis annexa, pag. 883.

\*\* Lib. III. de Re publica.

entia, ex proprio corpore desumta, Medico ipso molesta, aliis vero rædiosa est, uno verbo, turpe est, Medicum ipsum morbo laborare, culpa sua acquisito, eum negligere, & non in prima scintillula suffocare. Est quidem Medicus homo, neque humani aliquid a se alienum esse putabit: Interim tamen ante omnia se ipsum curare debet, & proprio suo exemplo alios ad vitæ sobriæ studium excitare.

Meditationes hasce de Medico bene valente proponere volui occasione clarissimi artis medicæ candidati,

## M. SIMONIS IOANNIS IACOBI ORTELII.

Hic lucem publicam primum conspexit in pago, Froſa vocato, sito in principatu Anhaltino, anno 1697. septimo die mensis Novembris. Parentes habuit honestissimos; patrem quidem, in memorato loco Cantoris & Præceptoris scholastici munere fungentem, IACOBVM ORTELIVM, matrem vero MARIAM CATHARINAM GIESLERIAM, pie defunctam. Prima elementa christianismi & litterarum didicit a venerando suo patre partim, partim a præceptoribus domesticis. Deinceps traditus est curæ Domini GOETZII, Pastoris Breitensteinensis meritissimi, cuius fidem & diligentiam ubique expertus ast. In Lyceum Ascaniense missus, litterarum studia prosecutus est sub moderamine virorum doctissimorum, Dn. VLMANNI, Rectoris, & Dn. STOECKERI, Conrectoris. Relicto hoc lyceo, se contulit in inclytum Gymnasium Quedlinburgense, & ibi ab ore pependit clarissimorum Præceptorum, Dn. M. EKHARDI, Rectoris, Dn. M. LAVII, Conrectoris, & Dn. GERXII, Sub-Conrectoris, qui omnes florentissimum illud Athenæum adhuc ornant. Ad studia academica ita decenti modo præparatus, celeberrimam nostram academiam salutavit anno huius seculi duodecimo, & a Magnifico t. t. Prorectore, Dn. D. STRVPIO, ICto consummatisimo, in numerum Studiosorum receptus est. Consecravit se pri-

mum

mum candidatus noster studiis theologicis, hincque statim in limine  
 sedulo visitavit celeberrimorum Philosophorum & Philologorum  
 scholas; B. Dn. HAMBERGERI; B. Dn. D. MULLERI; acutissimi  
 Philosophi, SYRBII; Dn. Prof. RVSSII; B. Da. D. DANTZII, a qui-  
 bus etiam, absolutis studiis philosophicis, titulo & honoribus Ma-  
 gistri philosophiae ornatus est. Theologicas vero doctrinas ex  
 samme reverendorum virorum, B. Dn. Dr. BUDDEI; Dn. Dr. WEISSEN-  
 BORNII; & B. Dn. Dr. LVNGERSHAVSENII ore hausit. Quin-  
 quennio ita feliciter absoluto, exteris nationes visitare in animum  
 induxit, ideoque Lubecam profectus, in navim se contulit, infasto  
 quidem fidere; nam durante adhuc bello Suecico, a Danis captus,  
 atque omnibus bonis privatus est. Tandem in Sueciam perve-  
 nit, Holmiamque, metropolim, regiamque sedem, vidit, qua  
 reliqua, Upsaliam se contulit, studiumque medicum ibi felici-  
 ter inchoavit sub directione celeberrimorum Professorum. Virtus  
 vero cum latere nesciat, etiam nostrum candidatum commendavit  
 Per-Illustri Libero Baroni, OTTONI IOANNI DE MAIDEL, vigilia-  
 rum praefecto regio supremo, qui filios suos candidati nostri in-  
 stitutioni & directioni tradidit. Apud hunc magnum patronum  
 in Suecia duos annos translegit. Postea, cum illustri hac familia, per  
 Finniam in Livoniam pervenit, ibique officio suo per quatuor annos  
 laudabiliter praefesse perrexit. Tandem ad prosecuenda studia medica  
 anno huius seculi XXVI. Ienam nostram reversus est, & ab eo  
 tempore omnium celeberrimorum virorum collegia, tum publica,  
 tum privata, sedulo frequentavit; in primis celeberrimi Dn. Con-  
 siliarii aulici, WEDELII, Exercitationes semiotico-pathologicas, de  
 Methodo medendi, de Febris, de Inflammationibus; Magnifici  
 Dn. Pro-Rectoris, HILSCHERI, Acroases chirurgicas de Formularum  
 præscriptione; Celeberrimi HAMBERGERI lectiones institutio-  
 num medicarum, physiologicas, anatomicas & osteologicas; B. Dn.  
 Dr. STÜVENII doctrinas physiologicas, pathologicas, semioticas,  
 practicas, casuales, atque materias medicas. Meorum laborum quo-  
 que semper indefessus fuit comes in physicis, anatomicis, phy-  
 siologicis, chemicis, chirurgicis, botanicis, & therapeyticis, Exant-  
 latis

latis itaque omnibus ad eruditionem veram medicam necessariis laboribus, ante aliquot menses candidatus noster modeste petiit, ut ad consueta examina admitteretur. In quibus quoque collegio nostro eruditionem suam sufficienter probavit. Restat ideo tantummodo Dissertatio inauguralis, quam sub Præsidio Magnifici Dn. Pro-Rectoris de *Podagra* habebit instante die X. Decembris. Cui panegyri ut Magnificus Dn. Ex-Prorektor, Illustrissimi Dni Comites, Proceres academiæ venerandi, hospites omnium ordinum honoratissimi, & quicunque ex generosisimorunq; ac nobilissimorum Dominorum Commilitonum corona studiis medicis favent, benevole interesse dignentur, ea, qua decet, observantia & humanitate, nomine collegii mei, rogo atque obtestor. Ienæ P. P. sub sigillo

Facultatis medicæ, Dominica II. Adventus,

M DCC XXIX.



Chir. 108. 20

